



23/01/2025



MES 3 25 0000047398

გადაწყვეტილება

სსიპ - საქართველოს ტექნიკური უნივერსიტეტის "თეოლოგია-საქართველოს ეკლესიის ისტორიის" სადოქტორო საგანმანათლებლო პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ემუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27²-ე მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე, იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵- ე მუხლის მე-5 პუნქტის თანახმად, საბჭო ვალდებულია, დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ემუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ - ე მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის მე-8 პუნქტისა და აკრედიტაციის დებულების 27⁶ - ე მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „სრულად ან/და მეტწილად შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან ან „არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2024 წლის 25 ივლისს შემოვიდა სსიპ - საქართველოს ტექნიკური უნივერსიტეტის № 906481 წერილი, რომლითაც დაწესებულებამ წარმოადგინა სააკრედიტაციო განაცხადი "თეოლოგია-საქართველოს ეკლესიის ისტორიის" სადოქტორო საგანმანათლებლო პროგრამის აკრედიტაციის თაობაზე.

2.2. ცენტრის დირექტორის 2024 წლის 23 აგვისტოს №1006419 ბრძანებით სსიპ - საქართველოს ტექნიკური უნივერსიტეტი ცნობილ იქნა აკრედიტაციის მამიებლად. ცენტრის დირექტორის 2024 წლის 23 ოქტომბრის №1371473 ბრძანებით (ბრძანებაში ცვლილება №1387045; 29/10/2024) შეიქმნა აკრედიტაციის ექსპერტთა ჯგუფი, რომელმაც დაწესებულებაში ვიზიტი "თეოლოგია-საქართველოს ეკლესიის ისტორიის" სადოქტორო საგანმანათლებლო პროგრამის აკრედიტაციის სტანდარტებთან შესაბამისობის შემოწმების მიზნით განახორციელა 2024 წლის 1 ნოემბერს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		x		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა		x		
3. სტუდენტთა მიღწევები, მათთან ინდივიდუალური მუშაობა		x		
4. სწავლების რესურსებით უზრუნველყოფა		x		
5. სწავლების ხარისხის განვითარების შესაძლებლობები	x			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4 ზეპირი მოსმენა გაიმართა **2024 წლის 30 დეკემბერს**. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ ნაწილობრივ გაიზიარა ექსპერტთა დასკვნაში ასახული შეფასება და რეკომენდაციები, კერძოდ, 1.1 კომპონენტში გაცემული რეკომენდაცია (რეკომენდებულია, მუდმივად იმუშაოს ინტერნაციონალიზაციის სტრატეგიის განვითარებაზე) გადაიტანა რჩევებში და აღნიშნული კომპონენტი ნაცვლად „მეტწილად შესაბამისობაშია მოთხოვნებთან“ შეფასდა როგორც „შესაბამისობაშია მოთხოვნებთან“, აღნიშნულმა ცვლილებამ გამოიწვია პირველი სტანდარტის შეფასების ცვლილება და ის ნაცვლად „მეტწილად შესაბამისობაშია მოთხოვნებთან“ შეფასდა როგორც „შესაბამისობაშია მოთხოვნებთან“.

ასევე, 2.1 კომპონენტში გაცემული 3 რეკომენდაციიდან, 2 რეკომენდაცია (1. რეკომენდებულია, შემუშავდეს პროგრამაზე დაშვების უფრო ზუსტი და მკაცრი მოთხოვნები იმ სტუდენტებისთვის, რომლებსაც არ გააჩნიათ თეოლოგიის მაგისტრის ხარისხი. კერძოდ, პროგრამის ფარგლებში უნდა დაკონკრეტდეს რამდენი კრედიტია საჭირო თეოლოგიურ და მეთოდოლოგიურ კურსებში პროგრამაზე მისაღებად; 2. რეკომენდებულია, პროგრამაზე მიღებისთვის საჭირო ყველა ინფორმაცია განთავსდეს თანმიმდევრულად დაწესებულების ვებ-გვერდზე (არ უნდა იყოს წარმოდგენილი განსხვავება ქართულ და ინგლისურ ენებზე არსებულ ინფორმაციას შორის; ასევე თვითშეფასების ანგარიშში)) საბჭომ გადაიტანა რჩევებში, თუმცა აღნიშნულმა არ შეცვალა კომპონენტის შეფასება, 2.2 კომპონენტში არსებული რეკომენდაცია (რეკომენდებულია, დისერტაციის დაცვამდე, დოქტორანტებმა კვლევის შედეგები წარმოადგინონ სულ მცირე ერთ საერთაშორისო სიმპოზიუმზე, კონფერენციაზე, კონგრესზე ან ფორუმზე, ასევე უცხოურ საერთაშორისო ინდექსირებულ ჟურნალში.) საბჭომ გადაიტანა რჩევებში, შედეგად 2.2 კომპონენტი ნაცვლად „მეტწილად შესაბამისობაშია მოთხოვნებთან“ შეფასდა როგორც „შესაბამისობაშია მოთხოვნებთან“.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² -ე მუხლის პირველი პუნქტის, 27⁵ -ე მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ -ე მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 12 ხმით არცერთის წინააღმდეგ:

გადაწყვიტა:

1. დაკმაყოფილდეს სსიპ - საქართველოს ტექნიკური უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "თეოლოგია-საქართველოს ეკლესიის ისტორიის" სადოქტორო საგანმანათლებლო პროგრამის მიენიჭოს აკრედიტაცია კლასტერის ვადით 2029 წლის 31 დეკემბრამდე.
2. ცნობილ იქნას აკრედიტაციის ექსპერტთა ჯგუფის დასკვნა "თეოლოგია-საქართველოს ეკლესიის ისტორიის" სადოქტორო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2025 წლის 23 იანვრის №47292 ოქმის №1 ნაწილი ამ გადაწყვეტილების განუყოფელ ნაწილად (დანართი №3).
4. დაწესებულებას საბჭომ შესასრულებლად განუსაზღვრა შემდეგი რეკომენდაციები და რჩევები:

რეკომენდაციები:

1. რეკომენდებულია, გაძლიერდეს პროგრამის ინტერდისციპლინურობა;
2. რეკომენდებულია, დაკონკრეტდეს სწავლის შედეგების შემუშავების პროცესი და მოიცავდეს ყველა დაინტერესებულ მხარეს (აკადემიურ პერსონალს, მოწვეულ პერსონალს, სტუდენტებს, კურსდამთავრებულებს და ა.შ.);
3. რეკომენდებულია, შემუშავდეს შეფასების დეტალური კრიტერიუმები პროგრამაზე მიღებისთვის საჭირო კვლევითი პროექტისათვის;
4. რეკომენდებულია სადოქტორო დისერტაციის დაცვის კომისიაში ჩართული თეოლოგების რაოდენობის გაზრდა, ასევე უზრუნველყოფა, რომ რეცენზენტები, რომლებიც აფასებენ კვლევას თეოლოგიის სფეროში, იყვნენ დარგის ექსპერტები;
5. რეკომენდებულია, დოქტორანტებს მიეწოდოთ დეტალური ინფორმაცია ხელმისაწვდომი შესაძლებლობების შესახებ, მათ შორის კონფერენციებზე დასწრების, საზღვარგარეთ კვლევის ჩატარების და მათი შედეგების საერთაშორისო მასშტაბით გამოქვეყნების შესაძლებლობების შესახებ. აღნიშნულიდან გამომდინარე, აუცილებელია ინფორმაცია ყველა მნიშვნელოვანი ღონისძიების შესახებ, როგორცაა კონფერენციები და სიმპოზიუმები გამოქვეყნდეს უნივერსიტეტის / ფაკულტეტის ვებ - გვერდზე;
6. რეკომენდებულია, დაწესებულებამ გამოაქვეყნოს საკონსულტაციო საათები და უზრუნველყოს სტუდენტებისთვის მათი ხელმისაწვდომობა;
7. რეკომენდებულია, სტუდენტებისთვის ტრენინგების შეთავაზება ან ხელმძღვანელების მხრიდან სათანადო ხელმძღვანელობის უზრუნველყოფა სამეცნიერო მონაცემთა ბაზების გამოყენების შესახებ;
8. რეკომენდებულია, ხელმძღვანელებმა განსაკუთრებული ყურადღება გაამახვილონ სტუდენტების აკადემიური წერის მიმართულებით აუცილებელი ცოდნით და უნარებით აღჭურვაზე, მათ შორის სადისერტაციო ნაშრომის და სამეცნიერო სტატიების მომზადების სტრუქტურაზე და სახელმძღვანელო პრინციპებზე;
9. იმის გათვალისწინებით, რომ პროგრამაში დასაქმებულია თეოლოგიის ისტორიაში დოქტორის ხარისხის მქონე მცირე რაოდენობის აკადემიური პერსონალი, რეკომენდებულია მეტი აფილირებული პერსონალის აყვანა, რომლებიც ასევე გათვალისწინებული იქნებიან აღნიშნული პროგრამის ხელმძღვანელებად;
10. რეკომენდებულია, პერსონალის პროფესიული განვითარების სხვადასხვა აქტივობები, ასევე პროგრამის ფარგლებში ორგანიზებული სამეცნიერო აქტივობები, მათ შორის კონფერენციები, სემინარები, ლექციები და საზღვარგარეთ კვლევის შესაძლებლობები, 9 ტრენინგები და ა.შ. აღირიცხოს და აისახოს პერსონალის პირად საქმეებში ან პროგრამის ვებ-გვერდზე იმისათვის, რომ უზრუნველყოფილი იყოს შედეგებზე ხელმისაწვდომობა;

11. რეკომენდებულია, ბიუჯეტი უზრუნველყოფდეს სტუდენტების ფინანსურ მხარდაჭერას და სტუდენტებს მკაფიო და გამჭვირვალე წარმოდგენა ჰქონდეთ ხელმისაწვდომი ფინანსური მხარდაჭერის შესახებ;
12. რეკომენდებულია, პროგრამის ჯგუფმა სრულად გაითვალისწინოს წინა აკრედიტაციის პროცესში მიღებული ყველა რეკომენდაცია.

რჩევები:

1. გაძლიერდეს პროგრამის ინტერდისციპლინურობა და შემუშავდეს ინტერნაციონალიზაციის სტრატეგია;
2. შემუშავდეს პროგრამაზე დაშვების უფრო ზუსტი და მკაცრი მოთხოვნები იმ სტუდენტებისთვის, რომლებსაც არ გააჩნიათ თეოლოგიის მაგისტრის ხარისხი. კერძოდ, პროგრამის ფარგლებში უნდა დაკონკრეტდეს რამდენი კრედიტია საჭირო თეოლოგიურ და მეთოდოლოგიურ კურსებში პროგრამაზე მისაღებად;
3. პროგრამაზე მიღებისთვის საჭირო ყველა ინფორმაცია განთავსდეს თანმიმდევრულად დაწესებულების ვებ-გვერდზე (არ უნდა იყოს წარმოდგენილი განსხვავება ქართულ და ინგლისურ ენებზე არსებულ ინფორმაციას შორის; ასევე თვითშეფასების ანგარიშში);
4. რეკომენდებულია, დისერტაციის დაცვამდე, დოქტორანტებმა კვლევის შედეგები წარმოადგინონ სულ მცირე ერთ საერთაშორისო სიმპოზიუმზე, კონფერენციაზე, კონგრესზე ან ფორუმზე, ასევე უცხოურ საერთაშორისო ინდექსირებულ ჟურნალში;
5. სასურველია, გადაიხედოს ბალანსი ზოგად (მეთოდოლოგიური, საკომუნიკაციო და სწავლების) კურსებს და საქართველოს ეკლესიის ისტორიის სპეციალიზებული კურსებს შორის;
6. სასურველია, პროგრამის ინტერნაციონალიზაციის მხარდასაჭერის მიზნით უფრო აქტიურად იყოს გამოყენებული უცხოენოვანი ლიტერატურა, უზრუნველყოფილ იქნეს პრეზენტაციების უცხო ენაზე გაკეთება და პროგრამის განვითარებაში უცხოელი პერსონალის ჩართვა;
7. სასურველია, რეკომენდებული ლიტერატურის უფრო დიდი ნაწილი ხელმისაწვდომი იყოს უცხო ენებზე, რაც სტუდენტების კვლევითი საქმიანობისთვის ღირებული იქნება;
8. სასურველია, დოქტორანტების ენობრივი უნარებისა და კომპეტენციების განვითარების ხელშეწყობა;
9. სასურველია, პროგრამის ფარგლებში შემუშავდეს მობილობის ხელშეკრულებების გაფორმების და საერთაშორისო პროექტებში მონაწილეობის სტრატეგია;
10. სასურველია, აკადემიურმა პერსონალმა მეტი დრო დაუთმოს სტუდენტებისთვის ხელმისაწვდომი მონაცემთა ბაზების კვლევითი შესაძლებლობების გაცნობას და მისცეს მათ მოტივაცია რეგულარულად გამოიყენონ აღნიშნული ბაზები.

5. საბჭოს აღნიშნული გადაწყვეტილება ძალაში შევიდეს 2024 წლის 30 დეკემბერს.

6. საბჭოს მიერ განსაზღვრული რეკომენდაციების შესრულების შესახებ ანგარიშის წარმოდგენის ვადად განისაზღვროს 1 წელი - 2025 წლის 30 დეკემბრამდე.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის

გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) დაწესებულების ინფორმირების დღიდან, ერთი თვის ვადაში.

საგანმანათლებლო პროგრამების აკრედიტაციის საბჭო
მდივანი
ტეფნაძე დავით

დ. 07.06.23

სსიპ-განათლების ხარისხის განვითარების ეროვნული
ცენტრი
უმაღლესი საგანმანათლებლო პროგრამების
აკრედიტაციის საბჭო
სხდომის თავმჯდომარე
თუთბერიძე გოჩა

გ. თაყაიშვილი



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	თეოლოგია-საქართველოს ეკლესიის ისტორია
2	ერთობლივი უმაღლესი საგანმანათლებლო პროგრამა	-
3	სტატუსი	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	გადაწყვეტილება 13.01.2023, № 23934
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	თეოლოგია-საქართველოს ეკლესიის ისტორია
6	უმაღლესი განათლების საფეხური	დოქტორანტურა
7	დაშვების წინაპირობები	-
8	კვალიფიკაციის დონე	მე-8
9	კვალიფიკაციის დასახელება	თეოლოგიის დოქტორი
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0221 - რელიგია და თეოლოგია
12	სწავლების ენა	ქართული
13	ECTS კრედიტების ჯამური რაოდენობა	55
14	განხორციელების ადგილი	მ. კოსტავას ქ. 77, თბილისი, მე-6 კორპუსი, 0160, საქართველო.
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	30.12.2024
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	1 წელი, 2025 წლის 30 დეკემბრამდე
18	აკრედიტაციის ვადის გასვლის თარიღი	2029 წლის 31 დეკემბერი